

◎法制◎

大本營總兵站規定運輸簡章通告各處電文

黎副總統各省都督鑒總兵站業經成立所有運輸籌備事宜統歸本總站計劃轉飭各支站妥爲辦理茲將重要條件詳細開列

一各省續有軍隊軍械等開赴戰地行經設有支站處所者須先電示大本營總兵站註明人員軍械若干舟行運船何名陸行經由何地約何日可到某支站地方以便準備招待

二各省軍隊開赴總兵站地點應豫備營舍暫駐者請由該省豫先派員前來協商招待事宜

三各省駐在總兵站地點軍隊如開赴前敵應用船隻車輛可就近商由總兵站籌備
四戰地不通郵政者各該省寄與前敵軍隊之信函包裹可寄由各支站送往應由各都督行文各屬張貼示諭以便兵士家族周知

五各省軍隊將行出發之先仍請該省都督豫日通知

六總兵站駐在大總統府兵站總監黃興次監鈕永建局長黃鄂副局長黃慕松支站分設上海鎮江下關蚌埠四處以後如續增設處所應再行電告以上各條統請查照施行并希轉飭各省各軍知照大本營總兵站啓轍（分電戰地各省軍隊各司令官鑒如有負傷兵士須送回調治者可送至總兵站病院）



令示

大總統批法制局呈教育部官職令修改全案并新聞雜誌演說會應歸教育部管理與否請示遵由

呈悉教育部官職令修改全案已咨交參議院併案議決至來呈所稱教育部原案中社會教育司編輯所掌新聞雜誌演說會等事據中央各部官制及其權限法案所定應歸內務部掌管此等事項既非宗教又非禮俗初六日閣議并未提及究竟該項事務應歸教育部管理與否請示遵辦等語查新聞雜誌演說會等事自應歸內務部管理即行查照訂定可也此批

大總統令財政部爲江蘇都督呈請將江南造幣廠仍暫歸甯省辦理

由

據代理江蘇都督莊蘊寬呈稱案查江南造幣廠經前清兩江總督奏准開辦鼓鑄銀銅各幣流通市面接濟餉項以甯省庫款爲其基金所獲餘利亦向歸甯省支配抵補各項不敷之款是甯省所恃爲利源者該廠實爲大宗雖經前清度支部籌擬統一辦法議歸國家辦理旋以該廠關係甯省利源遽予改隸中央本省餉源立絀無法另籌抵補因仍准留歸甯省辦理由部頒發鋼模照式鼓鑄仍以餘利備支本省應支各款俾於本省利源及度支部統一辦法兩不相妨可見甯省不得已之辦法在前清政府所以特准者亦事勢然也光復以後亟應廣續辦理爲維持本省財政之計節經都督委任王宰善充該廠總辦俾得照常鼓鑄保全固有之利俾支各項要需茲據該總辦復稱奉委以後節經調查該廠現在情形並晤商財政部長陳錦濤查悉該廠現經改歸中央政府接管等情前來不勝驚異伏查該廠向歸甯省管轄前清度支部不遽予歸併者原以該廠餘利所入支給本省要政所需甚鉅因准留辦現值光復伊始本省財源之濫不可勝言而善後之策待支之款正待籌畫加以軍餉浩繁迫不容緩羅掘無所籌補爲難設并此固有之

利向所資爲挹注者聽其隳失目前大局何以支持況國家財政所恃乎計臣之酌劑者原期益寡衷多得其平準而非以損彼益此爲政策是該廠應歸甯省接辦而中央政府祇立於監督地位毫無疑義抑都督更有進者現正南北協議統一關於財政事項應如何通籌並顧尙待躊躇斷非目前所能解決國有省有必先察其性質考其事實預籌抵補之方俾無礙於行政要需復得議會之公決始能定議而目前甯省待支之款萬分緊要無米何以爲炊斷不能束手坐待言念至此焦灼萬狀再四思維惟有懇請大總統鑒核准將江南造幣廠仍暫留甯省照舊辦理並請指令財政部迅將該廠點交王總辦接辦俾資鼓鑄而濟餉源等情前來查造幣權理應操自中央分隸各省是前清批政未可相仍惟甯省行政之費既賴造幣廠爲挹注一旦失此利源該省財力因而支絀尙屬實情除批答外合行令仰該部妥籌抵補之方俾資行政之費切切此令

大總統令滬都督核辦上海財政長朱佩珍呈請辭職請遴員接任由

據上海財政長朱佩珍呈稱財政困難措施無術請遴員接任等由前來爲此令行該都督應如何辦理之處希酌核呈覆爲要此令

大總統令法制局迅速編纂文官試驗草案由

查國家建官位事惟任賢選能乃懋厥職古今中外罔越斯旨第考選之法各有不同尙公去私庶無情弊今當民國建立伊始計非參酌中外詢事考言不足以網羅天下英才而裨治理合就令行該局仰即迅將文官試驗章程草案妥爲編纂呈候咨交參議院議決頒布從速施行此令

大總統令交通部規定甯省鐵路時刻表以利行旅由

查甯省鐵路銜接滬甯車站以達本城往來行旅日甚頻繁關係交通其事繁重乃自光復以來該路開車時刻尙無定準不特使行旅有阻滯之虞且於公事亦多貽誤亟應整頓以利交通合就令行貴部仰即迅將該路開車時刻妥爲規定飭令遵行是爲至要此令

大總統令教育部會商內務部核辦林宗雪呈請募貲開辦女子蠶桑學校並懇撥綠筠花圃爲校地由

軍代表林宗雪呈擬募貲開辦女子蠶桑學校懇請撥借綠筠花圃爲校地等

情查民國新造凡有教育應予提倡乃足以啓文明而速進化該女代表既能募資設校熱誠可嘉自當照准惟該校一切章程應如何訂定所指綠筠花園是否公產能否適用之處應由該部會同內務部查照辦理合就開由發交此令

大總統令江蘇都督莊蘊寬咨商安徽都督會咨實業部明定範圍取

縮漁業公會由 附江蘇都督呈

案查江陰大通漁民楊煇等前以組織漁業公會懇請准予立案並頒給關防等情具呈前來當經發交貴都督核辦在案本總統並未批准該漁民等何得憑空影射希圖壟斷殊屬不合著即申斥至來呈所稱土地與流域同爲國家領土即水課與地稅並重應擬令漁戶按稱繳納水課以裕國家正課并明定範圍嚴加取締俾免該漁民等得藉公會之名義而遂其壟斷之私圖自是正辦合就將原書發交貴都督查照仰即咨商安徽都督會咨實業部妥爲核辦可也此令

附江蘇都督請明定範圍取縮漁業公會呈

中華民國代理江蘇都督莊蘊寬爲呈請事竊於元月二十四號案據江陰大通一帶

十八幫漁民楊煥等書稱該民等向在長江自大通至江陰一帶捕魚爲業公同協籌組織漁業公會懇請准予立案并稱目前軍務需餉自盡竭忱倡導若能籌有盈餘先以協濟民軍爲急務等情旋於同日復據該民等書稱該公會已蒙大總統准照該民自擬簡章施行並准該公會自刊木戳得以處置漁民編號給旗及收納已裁之江寧江防廳所轄漁販之水課懇請令知各地民政長切實保護各等情蘊寬伏查土地與流域同爲國家領土故水課與地稅並重長江流域水利甚富從前各段漁戶均經由漁行按期交納正供在案舊設江防廳所收之課即其成例而各處汊港紛歧未經公家收轄者指不勝屈天然美利坐棄可惜正宜設法收回以裕國課茲據前因一再覆接該民等所陳各節情既支離詞尤閃爍顯係別有情弊查納稅一層爲公民三大義務之一該民等既係大稱漁戶自應按稱繳納水課乃閱該公會簡章祇有會費一項並未提及納稅僅言俟有盈餘先以協濟軍餉空言搪塞儼若國家正課儘可置之度外推其用意無非垂涎大利欲陽假會費之名陰避水課之實況沿江一帶漁戶甚夥未必盡願入會該公會措詞既巧設計亦工難保非欲藉公會名義遂其壟斷肥己之

私者設不明定範圍嚴加取締深恐別生枝節激起風潮流弊所極必致損國病民惟茲案關係蘇皖兩省行政前既由鈞府核准應即請鈞府令知蘇皖兩都督會咨實業部嚴定章程責成該公會切實奉行總期稅有經常業非壟斷否則恐巧言亂政實爲厲階設或因此而別起風潮是不特該公會不能擔此重咎即地方行政長官亦無從負此仔肩也用敢冒昧上呈謹懇大總統察核施行原書呈覽須至呈者

內務部令南京府知事准添聘公正士紳以資顧問由

爲令知事茲據呈稱當此光復之後百端待理非周諮博訪不足以措置咸宜擬於原設各項官職外添聘公正士紳以資顧問則民生疾苦地方利病藉可就近諮詢等因准此查集思廣益古訓昭然所請添聘士紳以資顧問之處本屬可行應即照准惟士紳之中每多名不副實實知事添聘人員務須再三審查免誤庶政而收實益此令

內務部令江南巡警總監出示嚴禁招搖撞騙由

爲令知事自南京光復以來往往有不法之徒招搖撞騙滋生事端實屬目無法紀若不嚴行禁止殊非除莠安良保衛地方之本意仰體此意即行出示曉諭儻再有招搖撞騙

滋生事端以及種種不法行爲者無論何色人等一體嚴拿重懲毋稍寬恕切切此令

內務部批潘晉設立江蘇拓殖有限公司請立案呈

具呈並公司章程已悉擬設江蘇拓殖有限公司收買官地倡辦實業於國計民生兩有神益足爲我國目前救急要着除與要塞形勢有關係及向作公共事業之場或將來擬作公共事業之場均應存留外其餘各官地原應准設公司集資收買惟查外國會社法凡組織公司發起人有一定之數並須由發起人先行投贊作爲基本金額然後立案招股現在民國政府成立伊始會社法雖未編定頒行然於中外應有之要則自不能不藉資信守以維持社會秩序現該發起人在該公司認定股資數目若干發起人數若干仰即分別報明以憑核奪此批

內務部令南京府查辦餘善堂由

內務總長令茲餘善堂嫠婦謝戴等公稟爲善堂專款給養貧嫠滬軍充餉愷命難活泣賜拯援一案本部以軍興時代籌餉自屬急務而仰給公產貧嫠亦應憐恤查該嫠婦等稟稱該堂房產租息除辦殯葬善舉外分給嫠婦養贍每月每人不過銀元四角惠而不

費當照向例辦理惟滙軍充辦軍餉有無他項情節並該堂公產租息月收入者若干仰即查明如果該堂租息無多於該軍無甚關係應即全數發還如其款鉅亦應抽提照舊給贍以示民國哀恤無告之深意即於查明後酌請核辦可也此令

✿ 紀事 ✿

內務部委任職員呈 附各員簡明履歷

為呈請事本部所設各局已陸續成立所有局長參事工監各員應即開呈簡明履歷備文荐任懇請發給委任狀以昭職守而專責成實為公便此呈

附呈各員履歷如左

參事 吳永珊 四川人年三十二歲日
本岡山高等學校畢業

土木局局长史青 湖北德安人年二十六歲
比利時工科畢業

疆理局局长高魯 福建人年二十八歲
比利時工科畢業

參事 于德坤 貴州人年三十六歲日
本法政大學畢業生

土木局工監王慶莘 福建人年二十八歲
法國工程科畢業

衛生局局长林文慶 福建人

海軍部委任職員名單

海軍部艦政局局長

蔣拯

海軍部軍機處正長

朱聲崗

大本營總兵站啟用關防通告各處電文

黎副總統各省都督各軍司令官上海鎮江蚌埠各大本營支站鑒大本營兵站局設在南京總統府內於本月十四日啓用關防文曰大本營總兵站之關防特此通佈兵站總監黃興次監鈕永建局長黃郛副局長黃慕松啓諫

內務部政事討論會規則

第一條 本部爲討論部內各行政事務而設

第二條 關於左列事項應開討論會

(一)關於本部對外發表之部令及各條規有繼續之効力者

(二)關於本部提出之建議及預算

(三)關於臨時行政處分之事情重要者

(四)關於本部行政施設及規畫事項

第三條 本會由總次長召集

第四條 本會列席之人員總次長秘書長叅事局長及有關係之秘書員各局科長均

由總次長通知 其他特有關係之人員由總次長指定通告使其列席

第五條 凡列席者皆可自由陳述意見

第六條 本會但爲討論不以多數表決

第七條 開會時總次長爲主席維持會場秩序

第八條 閉會後總次長綜合各意見而自定其方針但於次回會議須述其施政方針

之大略



臨時政府公報 附錄

中華民國元年二月二十二日星期一
四 隨報附出 不另徵費

萬急袁大總統鑒咸電敬悉公之委曲求全其義昭於日月惟國民勞公以全局德望所存在北在南無不可以全副精神相統攝此間爲難之處亦非文字可盡達已委托唐紹儀君等北赴造陳一切公自鑑察至公謂目前北方秩序不能得措置各方面同宜之人自不待言然若分別諸要端多電知數人俾各受所委得資鎮攝此亦爲將來政府偏於南北東西必當籌用之一法公應首肯文實竭蹶於服務日夜翹盼卸代孫文篠

(南京去電)

上海議和全權代表伍廷芳參贊溫宗堯汪兆銘鑒銑電悉公等爲民國議和事鞠躬盡瘁不避嫌怨卒能於樽俎之間使清帝退位南北統一不流血而貫徹共和之目的厥功甚懋所請辭退議和代表事應卽照准謹代國民仲謝總統孫文篠

(南京去電)

(南京去電)

萬急聞孫道仁鑒銑電悉所陳之事皆爲鞏固民國根本之策洞中肯要無任欽佩至慮總統辭職人心動搖等語現在南北聯合民國統一戰事既息人心自安更由參議院編定憲法使臨時政府得以遵守自不致有損害秩序之虞總統孫文葆

（南京去電）

江蘇莊都督鑒接讀來電大爲駭異現在民國統一非復革命時代政府與民國舉動不可不各就範圍稍一不慎卽成無政府之現象何謂國民範圍思想言論皆能自由惟不能違背法律而已何謂政府範圍受議會之裁制爲國民之公僕一切行政人員皆須稟承中央命令取一致之行動有不適意者當諫阻之諫而不聽當力爭之力爭不得則去位如是則身爲國民言論乃可自由公爲都督行政中人也卽政府一分子也對於國家大計有所陳述當告之總統或各部長能行者以中央之命令行之否則由中央政府交於議會決定而後行之斷無以一人之意見逕電各部各省公人私人及各報館致有類於聳動社會反對政府擾亂秩序之理令中外聞之將謂吾政府何也且公所提各問題固易解決無俟過爲研究者維持秩序賴有兵力固與袁之在南在北無關也控制西北亦視兵力與政治若何決不因京城爲轉移英于印度法于安南美于菲律賓未聞因京

城之遠而失之也聯外人擁幼主係公過慮夫外人果欲保全清帝於武昌起事之日以一紙書或可辦到豈尙待今日哉至各國反對一節尤爲大謬義師一起商務全消各國何嘗不反對吾人固未嘗先求外人之同意而後施行革命也交涉事件殆視吾國民程度如何外交辦法如何耳此後全國義務在籌畫統一恢復秩序凡背統一危秩序之行為國民尙宜自制况政府乎語云惟善人能受盡言區區之意敢以奉聞魏宸組

(南京去電)

南京孫大總統黎副總統各部總長請轉各省都督司令官民政長同鑒近年來舊政貪殘民生凋敝官吏失職庶事荒廢諸君子因而銳意改革聯翩興起要以保國救民爲宗旨數月間人民遭罹兵燹困苦流離農商失業生計日艱興念及此難安寢食諸君子痾瘵在抱當亦不勝慘痛現共和已達目的中外歡欣吾國既以民國爲名自以保安人民爲前提轉瞬春耕尤須豫爲籌及而地方未靖播種恐未能及時同胞饑饉我輩之責世凱謬承獎許同爲國民敢不爲民請命切望諸君子宏胞與之懷從速設法同心協力規復秩序務使市廛田野早安生業民心大定國本鞏固用達我輩保國救民之志願亦足

令環球各國益服我國民團體之堅文明進步之速則我中華民國永久之幸福實基於此世凱蓋有厚望焉謹陳管見涕隨電隕袁世凱叩

(北京來電)

孫大總統北京袁內閣均鑒屢接甘函贊成共和者居大多數政體不定將謀獨立東南瘡痍滿目西陲豈可再有流血之事優待條件備極尊榮請迅速宣布遜位以定人心否則請大總統振旅北行甘軍當一律反正會師幽燕旅滬甘肅同鄉會叩

(上海來電)

南京軍政府鑒灰電悉即轉電張勳君推誠與南軍接洽共維大局張此次贊成共和甚力希告各司官毋相猜疑瑞徑

(北京來電)

孫大總統陸軍部長黃黎副總統伍代表鑒在宿各軍因疊接張勳來函乞我停戰協商敝處根據黎副總統電即行認可會同每軍派代表一人與彼軍代表陳毓崧唐宗濂協商於兩方持定之符離集連商二日不獲要領且並援段軍例退出徐州一條堅不認可用知張勳居心叵測敝處以奸不可縱機不可失公決再行一面仍修書致張令速即發表贊成共和之實証以冀悔悟於萬一彼仍負固則敝處當仍照陸軍部第一號命令施行業已於本日由宿州向徐州前進特聞姚雨平鄭爲成朱瑞叩文

(南徐州來電)

本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰法制曰令示曰紀事曰電報曰抄譯外報曰雜報
其子目見前
- 四 本報日出一冊如遇國家紀念日星期日政府停止辦公時本報亦休刊一日
- 五 政府對於各地所發令示或宣布法律凡載登本報者公文未到以本報到後爲有效
- 六 凡各官署皆有購閱本報之義務唯具印文請領者皆照定價五折徵納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

蘇州城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

中外日報

上海寶善街公順里仁和號

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠

總統府印鑄局工廠開工廣告

本局昨奉

大總統命令已將南洋印刷工廠收歸印鑄局管理故定名曰印鑄局工廠茲已將貨料購製完備定於初五日開工所有印刷物品不特可供國家之取用而報商各界如有願交易者請隨時到廠與營業科接洽庶不至誤至各品價目均係斟酌至當無論何人決不欺飾特此佈告俾衆咸知

黃復生 謹白
彭丕斯

總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民飄舞良用慙焉本部現擬徵集歌譜俟取材較多再敦請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

● 本報廣告 ●

查公報官報等體裁多於正報而外有號外附錄以爲登載法律命令以外之件如草案電報議會速記錄等類本報開辦依始法制院所訂草案尙未經參議院議決故門類從權暫定茲特於第十一號以後附出號外雜錄各件以備觀覽前者編輯員誤登閩都督府件如有號外附錄則似無此種屢雜之患也

特 白

● 本報特白 ●

本報開辦伊始趕急排印出版手民過於動勞茲定星期一休息一天